
	PROCEDURAT PËR KYÇJE NË RRJETIN E TRANSMETIMIT	PR-MP-001
	<i>ver. 1.2</i>	<i>faqe 1 nga 20</i>
<i>Departamenti: Zhvillimi i Rrjetit dhe Projektet</i>		<i>Sektori: Zhvillimi i Rrjetit</i>


PROCEDURAT PËR KYÇJE NË RRJETIN E TRANSMETIMIT

Shkurt 2018


	PROCEDURAT PËR KYÇJE NË RRJETIN E TRANSMETIMIT	PR-MP-001
	<i>ver. 1.2</i>	<i>faqe 2 nga 20</i>
<i>Departamenti: Zhvillimi i Rrjetit dhe Projektet</i>		<i>Sektori: Zhvillimi i Rrjetit</i>

Përmbajtja

1. QËLLIMI	4
1.1. Obligimet Ligjore	4
2. FUSHA E ZBATIMIT	4
2.1. Procesi i Aplikimit për Kyçje	4
3. PËRGJEGJËSITË	4
3.1. Aplikuesit.....	4
4. PËRCAKTIMI I TERMAVE	5
5. LIDHSHMËRIA ME DOKUMENTE TJERA.....	6
6. PËRSHKRIMI I PROCEDURËS.....	6
6.1. Procesi i Ofertës për Kyçje.....	6
6.1.1. Aplikimi dhe Pranimi i Aplikacionit	9
6.1.2. Studimet e para-fizibilitetit	10
6.1.3. Kyçjet Komplekse	10
6.1.4. Oferta për Kyçje.....	11
6.1.5. Procesi i shqyrtimit të aplikacionit.....	11
6.1.6. Shqyrtimi i Ofertës për Kyçje	14
6.1.7. Validiteti i Ofertës për Kyçje.....	14
6.1.8. Nënshkrimi i Marrëveshjes për Kyçje.....	14
6.2. Ndryshimi i Aplikacionit.....	14
6.2.1. Ndryshimi gjatë procesit të aplikimit	14
6.2.2. Ndryshimi i Ofertës për Kyçje	15
6.2.3. Zgjatja e Ofertës	16
6.2.4. Tërheqja e aplikacionit.....	16
6.2.5. Konfidencialiteti	16
6.3. Procesi i Taksës për Kyçje.....	16
6.3.1. Taksa për Aplikim	16
6.3.2. Taksa e Kyçjes.....	17
6.4. Sigurimi i të dhënave planifikuese	17
6.5. Procesi i ndërtimit dhe i mbikëqyrjes.....	17
6.6. Komisionimi dhe vënia në punë e pikës kyçëse.....	17
7. FORMULARËT/DOKUMENTET	18

	PROCEDURAT PËR KYÇJE NË RRJETIN E TRANSMETIMIT	PR-MP-001
	<i>ver. 1.2</i>	<i>faqe 3 nga 20</i>
<i>Departamenti: Zhvillimi i Rrjetit dhe Projektet</i>		<i>Sektori: Zhvillimi i Rrjetit</i>

7.1. Burimet.....	18
7.2 Dokumentet dhe formularët.....	18
8. ANEKSET.....	20
8.1. Lista e shpërndarjes.....	20
8.2. Shënimet për versionet.....	20

	PROCEDURAT PËR KYÇJE NË RRJETIN E TRANSMETIMIT	PR-MP-001
	<i>ver. 1.2</i>	<i>faqe 4 nga 20</i>
<i>Departamenti: Zhvillimi i Rrjetit dhe Projektet</i>		<i>Sektori: Zhvillimi i Rrjetit</i>

1. QËLLIMI

1.1. Obligimet Ligjore

Në bazë të kërkesave nga legjislacioni primar për sektorin e energjisë, **Zyra e Rregullatorit për Energji (ZRRë)** gjatë procesit të harmonizimit të legjislacionit sekondar me pakon e tretë të ligjeve të sektorit të energjisë, ka amendamentuar ndër të tjera edhe Rregullën për Kushtet e Përgjithshme të Furnizimit me Energji. Në bazë të kësaj rregulle KOSTT ka amendamentuar Metodologjinë e Taksave të Kyçjes në Rrjetin e Transmetimit, e cila është aprovuar nga ZRRë. Neni 5 paragrafi 4 i Rregullës për kushtet e përgjithshme të furnizimit me energji detyron operatorin e sistemit që në pajtim me rregullën në fjalë të përgatit dhe dërgoj në **ZRRë** për shqyrtim dhe miratim procedurat në lidhje me kushtet për kyçjen në sistem. Bazuar në këtë KOSTT ka përgatitur Procedurat për Kyçje në Rrjetin e Transmetimit, e cila duhet të publikohet në faqen zyrtare elektronike.

2. FUSHA E ZBATIMIT

2.1. Procesi i Aplikimit për Kyçje


Ky dokument përfshinë një mori çështjesh/procedurash që palët do t'i zbatojnë gjatë procesit të aplikimit për kyçje, njëherësh ky dokument në formë të detajuar përcakton të gjithë hapat përkatës që duhet të ndërmerren që nga aplikimi e deri në operim të pikës së kyçjes duke përfshirë proceset rregullative, tarifore, studimore, planifikuese, etj. Ky dokument është përpiluar në atë mënyrë që të sigurojë transparencë dhe jodiskriminim për të gjitha palët që dëshirojnë të kyçen në rrjetin e transmetimit.

3. PËRGJEGJËSITË

3.1. Aplikuesit

Këto procedura aplikohen tek të gjitha palët që do të kyçen në sistemin e transmetimit si:

- a) Gjeneruesit;
- b) Operatorët e Sistemit të Shpërndarjes;
- c) Konsumatorët.

	PROCEDURAT PËR KYÇJE NË RRJETIN E TRANSMETIMIT	PR-MP-001
	<i>ver. 1.2</i>	<i>faqe 5 nga 20</i>
<i>Departamenti: Zhvillimi i Rrjetit dhe Projektet</i>		<i>Sektori: Zhvillimi i Rrjetit</i>

4. PËRCAKTIMI I TERMAVE

Aplikacioni për Kyçje është aplikacion i dorëzuar nga **Aplikuesi** për një kyçje të re apo rritje të kapacitetit të kyçjes së vjetër në Rrjetin e Transmetimit.

Aplikuesi (parashtruesi i kërkesës) është një person fizik apo juridik i cili i kërkon OST të bëjë kyçjen e re apo për të modifikuar kyçjen e kuztuese në sistemin e transmetimit.

Formulari i Aplikacionit për Kyçje është formë e aplikacionit për kyçje për gjenerator, ngarkesë, respektivisht konsumator sikurse paraqitet në Shtojcën 2 të Metodologjisë së Taksave për Kyçje në Rrjetin e Transmetimit.

KOSTT nënkupton Operatorin e Sistemit të Transmetimit dhe Tregut të Kosovës.


Marrëveshja për Kyçje është marrëveshja ndërmjet Operatorit të Sistemit të Transmetimit dhe shfrytëzuesit të sistemit, që përshkruan procedurën e kyçjes dhe pagesës për kyçje, fillimin e kyçjes, mirëmbajtjen, operimin dhe përfundimin e kyçjes në sistem.

Oferta për Kyçje është një ofertë për kyçje në Rrjetin e Transmetimit e dhënë nga **KOSTT** për palën aplikuese.

Studimi i Dizajnit paraqet një analizë të detajuar mbi mundësitë (opsionet) e kyçjes në rrjetin e transmetimit, të përgatitur nga **KOSTT** për një **Aplikues** pas dorëzimit të **Aplikacionit për Kyçje** nga ana e **Aplikuesit**.

Studimi i Fizibilitetit është studim i detajuar mbi çështjet teknike dhe ekonomike bazuar në kalkulimet teknike të projektit të caktuar. Ky studim do të realizohet nga një palë e kontraktuar për shkak të madhësisë dhe kompleksitetit të projektit.

Taksa për Aplikim është pagesa që kryhet në kohën kur aplikohet për kyçje, e cila mbulon shpenzimet për: **Studimin e Dizajnit** dhe/ose **Studimin e Fizibilitetit**, **Ofertën për Kyçje** dhe draftimin e **Marrëveshjes për Kyçje**. Gjatë diskutimeve fillestare me palën aplikuese para se të bëhet Aplikimi për Kyçje, **KOSTT** do të përcakton numrin e ditëve të nevojshme për procedimin e Aplikacionit.

	PROCEDURAT PËR KYÇJE NË RRJETIN E TRANSMETIMIT	PR-MP-001
	<i>ver. 1.2</i>	<i>faqe 6 nga 20</i>
<i>Departamenti: Zhvillimi i Rrjetit dhe Projektet</i>		<i>Sektori: Zhvillimi i Rrjetit</i>

Taksa për kyçe është taksa që do paguhet nga Aplikuesi për kyçe në Rrjetin e Transmetimit.

ZRrE nënkupton Zyrën e Rregullatorit për Energji

5. LIDHSHMËRIA ME DOKUMENTE TJERA

Kjo procedurë është hartuar në përputhshmëri të plotë sipas kërkesave që dalin nga dokumentet:

- a) Rregulla për Kushtet e Përgjithshme të Furnizimit me Energji,
- b) Metodologjia e Taksave të Kyçjes në Rrjetin e Transmetimit,
- c) Kodi i Rrjetit

6. PËRSHKRIMI I PROCEDURËS

6.1. Procesi i Ofertës për Kyçe

Procesi i **Ofertës për Kyçe** është proces që fillon me dorëzimin e **Aplikacionit për Kyçe** nga **Aplikuesi** që dëshiron të realizojë kyçjen në rrjetin e transmisionit dhe përfundon me nënshkrimin e **Marrëveshjes për Kyçe** ndërmjet **KOSTT** dhe **Aplikuesit**.

Në vijim në formë diagrami është paraqitur procedura e shqyrtimit të një **Aplikacioni për Kyçe**.






Fig. 1 Procedurat e aplikimit për kyçje në rrjetin e transmetimit

	PROCEDURAT PËR KYÇJE NË RRJETIN E TRANSMETIMIT	PR-MP-001
	<i>ver. 1.2</i>	<i>fajqe 8 nga 20</i>
<i>Departamenti: Zhvillimi i Rrjetit dhe Projektet</i>		<i>Sektori: Zhvillimi i Rrjetit</i>

Numërimi i ditëve fillon me dorëzimin e **Aplikacionit për Kyçje** nga **Aplikuesi në KOSTT**, kështu që periudha nga aplikimi për kyçje deri tek nënshkrimi i **Marrëveshjes për Kyçje në Rrjetin e Transmetimit** e paraqitur në figurën 1 ndahet në:

- **Dita 0**
 - **Aplikuesi**, e dorëzon **Aplikacionin për Kyçje** në rrjetin e transmetimit s’bashku me dëshminë e pagesës përmes Postës apo direkt në Zyrën e Arkivës në **KOSTT**, (nëse aplikacioni dorëzohet përmes postës numërimi i ditëve fillon kur **KOSTT** pranon aplikacionin).
- **Dita 1-30**
 - **KOSTT** analizon dhe nxjerr përfundimet nëse kyçja e paraparë sipas **Aplikacionit për Kyçje** është (apo nuk është) e mundshme teknikisht dhe ekonomikisht dhe në përputhje me dispozitat e Kodit të Rrjetit, i plotëson kushtet dhe nuk paraqet ndonjë problem në sigurinë e operimit të Sistemit të Transmetimit. **KOSTT**-i në bazë të analizave do të përgatit dhe dërgon tek **Aplikuesi** njoftimin mbi mundësinë apo jo të kyçjes në Rrjetin e Transmetimit.
- **Dita 31-90**
 - **KOSTT** përgatit **Ofertën për Kyçje** të cilën e dërgon tek **Aplikuesi** së bashku me draft **Marrëveshjen për Kyçje në Rrjetin e Transmetimit**.
- **Dita 91-120**

	PROCEDURAT PËR KYÇJE NË RRJETIN E TRANSMETIMIT	PR-MP-001
	<i>ver. 1.2</i>	<i>faqe 9 nga 20</i>
<i>Departamenti: Zhvillimi i Rrjetit dhe Projektet</i>		<i>Sektori: Zhvillimi i Rrjetit</i>

- **Aplikuesi** e shqyrton **Ofertën për Kyçje** në rrjetin e transmetimit të dërguar nga **KOSTT** të cilën mund ta nënshkruajnë.
- **Dita 121-150**
- **Aplikuesi** dhe **KOSTT** shqyrtojnë/negociojnë dhe nënshkruajnë **Marrëveshjen për Kyçje në Rrjetin e Transmetimit**.


6.1.1. Aplikimi dhe Pranimit i Aplikacionit

Në fazën fillestare **Aplikuesi** duhet ta informojë **KOSTT**-in lidhur me të dhënat e planifikimit paraprak të projektit, të dhënat i mundësojnë **KOSTT**-it për të vlerësuar gjendjen aktuale në sistemin e transmetimit, konkretisht mundësinë e transferimit të energjisë që do të duhej të jetë e përballeshme për sistemin e transmetimit.

Aplikuesi duhet fillimisht nga faqja elektronike zyrtare e **KOSTT**-it të sigurojë/posedoj **Aplikacionin/Formën e Aplikacionit për Kyçje**. **Aplikacioni për Kyçje** i plotësuar së bashku me dëshminë e pagesës së **Taksës për Aplikim** dorëzohet në Zyrën e Arkivës së **KOSTT**-it, që mbulon shpenzimet për: **Studimin e Dizajnit** dhe/ose **Studimin e Fizibilitetit, Ofertën për Kyçje** dhe draftimin e **Marrëveshjes për Kyçje**.

Pas pranimit të Aplikacionit për Kyçje dhe në rast se **KOSTT** konstaton që **Aplikacionit për Kyçje** i mungojnë të dhënat përkatëse, **KOSTT** së bashku me **Aplikuesin** i shqyrtojnë të dhënat lidhur me aplikimin. **Aplikuesi** pas konsultimeve me **KOSTT**-in dhe pasi ka plotësuar në mënyrën adekuate **Aplikacionin për Kyçje** e ri-dërgon atë në zyrën përkatëse në **KOSTT**.

Rinumërimi i ditëve ri-fillon në momentin kur **KOSTT** e ri-merr formularin e ri-plotësuar.

	PROCEDURAT PËR KYÇJE NË RRJETIN E TRANSMETIMIT	PR-MP-001
	<i>ver. 1.2</i>	<i>faqe 10 nga 20</i>
<i>Departamenti: Zhvillimi i Rrjetit dhe Projektet</i>		<i>Sektori: Zhvillimi i Rrjetit</i>

KOSTT brenda afatit kohor të dhënë në Metodologjinë e Taksave për Kyçje në Rrjetin e Transmetimit (paragrafi 6.3) duhet që në formë të shkruar ta informojë palën aplikuese lidhur me **Ofertën për Kyçje**.


6.1.2. Studimet e para-fizibilitetit

Duke iu referuar Nenit 6.1 (Diskutimet Preliminare dhe **Studimet e Dizajnit**) të Metodologjisë së Taksave të Kyçjes në Rrjetin e Transmetimit dhe Nenit 5.2 (Aplikimi i kyçjes dhe procedura e miratimit) të Kodit të Rrjetit – Kodit të Kyçjes, palët kanë mundësi që para dorëzimit të **Aplikacionit për Kyçje** të konsultohen me zyrtarët përkatës brenda **KOSTT**-it lidhur me opsionet e projekt planit. Ky shërbim nuk është i detyrueshëm dhe si i tillë do të jepet pa pagesë nga **KOSTT**-i. Nëse **Aplikuesi** kërkon shënime më të detajuara duke përfshirë edhe një vlerësim preliminar (me vlera të përafërta) të kostos së projektit apo një studim më të hollësishëm të projektit atëherë është e drejtë legjitime e **KOSTT**-it që për të dhënat shtesë të kërkoj pagesë të arsyeshme për të mbuluar kostot e punëve.

6.1.3. Kyçjet Komplekse

Aplikuesi duhet ta ketë të qartë që **KOSTT** me të drejtë nga **Kodi i Rrjetit** (pika 5.2.3 e Kodit të Kyçjes) mund ta emëron një aplikim për kyçje si kyçje komplekse për të cilën brenda 30 ditëve nga aplikimi formal **KOSTT**-i në formë të shkruar do ta informoj **Aplikuesin** lidhur me vendimin që aplikimi përkatës ka të bëjë me kyçje komplekse.

Nëse aplikacioni hyn në kategorinë e kyçjeve komplekse atëherë në këto raste studimi duhet të përfundohet brenda nëntëdhjetë (90) ditësh kalendarike prej ditës së dorëzimit të **Aplikacionit për Kyçje**, dhe **Oferta për Kyçje** duhet të dorëzohet brenda tridhjetë (30) ditësh kalendarike prej përfundimit të studimit përkatës.

	PROCEDURAT PËR KYÇJE NË RRJETIN E TRANSMETIMIT	PR-MP-001
	<i>ver. 1.2</i>	<i>faqe 11 nga 20</i>
<i>Departamenti: Zhvillimi i Rrjetit dhe Projektet</i>		<i>Sektori: Zhvillimi i Rrjetit</i>

6.1.4. Oferta për Kyçje

KOSTT në pajtueshmëri me Metodologjinë e Taksave për Kyçje në Rrjetin e Transmetimit dhe në bazë të rezultateve tenderuese përgatit **Ofertën për Kyçje**.

6.1.5. Procesi i shqyrtimit të aplikacionit

Në fig.2 është paraqitur procesi intern në **KOSTT** për shqyrtimin e ndikimit të kyçjes (sipas të dhënave në **Aplikacionin për Kyçje**) në sigurinë e operimit të sistemit të transmetimit.





Figura 2 Procesi i shqyrtimit të Aplikacionit për Kyçe

Dita 0 – Aplikuesi e dërgon aplikacionin së bashku me dëshminë e pagesës në Zyrën e Arkivës në KOSTT;

	PROCEDURAT PËR KYÇJE NË RRJETIN E TRANSMETIMIT	PR-MP-001
	<i>ver. 1.2</i>	<i>faqe 13 nga 20</i>
<i>Departamenti: Zhvillimi i Rrjetit dhe Projektet</i>		<i>Sektori: Zhvillimi i Rrjetit</i>

Dita 1 - Zyra e Arkivës e pranon aplikacionin dhe dëshminë e pagesës nga **Aplikuesi** dhe e dërgon tek Kryeshefi Ekzekutiv i KOSTT-it;

Dita 2 - Kryeshefi Ekzekutiv i **KOSTT**-it e shqyrton aplikacionin dhe e dërgon tek Departamenti për Menaxhim të Projekteve dhe Inxhinieri (DMP&I) për analizë të mëtutjeshme;


Dita 3-5 - DMP&I e shqyrton **Aplikacionin për Kyçje** nëse është i tëri në formë të rregullt i plotësuar, nëse **Aplikacionin për Kyçje** nuk i përmban të dhënat e plota për një analizë përkatëse, atëherë DMP&I e kthen tek **Aplikuesi** për ri-plotësim. Nëse **Aplikacioni për Kyçje** i përmban të gjitha të dhënat e nevojshme atëherë ai dërgohet për analizë tek Zyra për Zhvillim dhe Planifikim Afatgjatë;

Dita 6-25 - Zyra për Zhvillim dhe Planifikim Afatgjatë përgatit rezultatet e nxjerra nga softueri përkatës dhe i dërgon tek DMP&I.

Nëse Zyra për Zhvillim dhe Planifikim Afatgjatë konstaton që për një projekt të tillë nevojitet **Studim i Fizibilitetit**, atëherë **KOSTT** njofton **Aplikuesin** për kompleksitetin e projektit dhe nevojën për kryerjen e një **Studimi të Fizibilitetit**. **Aplikuesi** shqyrton njoftimin dhe ri-aplikon për kyçje në rrjetin e transmetimit, ndërsa **KOSTT** përmes procedurave tenderuese përzgjedhë kompaninë përkatëse për **Studim të Fizibilitetit**;

Dita 25-30 - Në bazë të rekomandimeve nga Zyra për Zhvillim dhe Planifikim Afatgjatë se një kyçje e tillë nuk paraqet pengesë në sigurinë e operimit të sistemit të transmetimit, atëherë DMP&I përgatit dhe e dërgon tek **Aplikuesi** njoftimin mbi vazhdimin e shqyrtimit dhe përgatitjes së **Ofertës për Kyçje**.

Nëse Zyra për Zhvillim dhe Planifikim Afatgjatë konstaton që një kyçje e tillë e rrezikon Sistemin e Transmetimit atëherë DZhRr&P në formë të shkruar e informon **Aplikuesin** rreth pamundësisë për të realizuar një kyçje të tillë.

	PROCEDURAT PËR KYÇJE NË RRJETIN E TRANSMETIMIT	PR-MP-001
	<i>ver. 1.2</i>	<i>faqe 14 nga 20</i>
<i>Departamenti: Zhvillimi i Rrjetit dhe Projektet</i>		<i>Sektori: Zhvillimi i Rrjetit</i>

6.1.6. Shqyrtimi i Ofertës për Kyçje

Aplikuesi që nga momenti i pranimit të **Ofertës për Kyçje** nga **KOSTT**, duhet që brenda 30 ditëve ta nënshkruaj **Ofertën për Kyçje** dhe të dërgoj në **KOSTT**.

Aplikuesi ka të drejtën që me stafin përkatës në **KOSTT** të shqyrtojë **Ofertën për Kyçje**, për të cilën **Aplikuesi** mendon se duhet të ketë qartësi më të detajuar, apo mendon që çmimi i **Ofertës për Kyçje** nuk përkon me realitetin.

Nëse gjatë shqyrtimit të **Ofertës për Kyçje**, **KOSTT** dhe **Aplikuesi** janë të mendimit për ndryshime eventuale, atëherë **Aplikuesi** e ri-dërgon në **KOSTT** të ri-plotësuar **Aplikacionin për Kyçje**.

Ri-numërimi i ditëve rifillon në momentin kur **KOSTT** e ri-merr **Aplikacionin për Kyçje** të ri-plotësuar.

6.1.7. Validiteti i Ofertës për Kyçje

Oferta për Kyçje do të jetë e plotëfuqishme për afatin kohor të definuar në Metodologjinë e Taksave të Kyçjes në Rrjetin e Transmetimit (pika 6.5) dhe numërimi i ditëve fillon që nga dita kur **Aplikuesi** ka pranuar **Ofertën për Kyçje**.


6.1.8. Nënshkrimi i Marrëveshjes për Kyçje

Aplikuesi dhe **KOSTT** brenda periudhës 30 ditore nga dita e nënshkrimit të **Ofertës për Kyçje** duhet që të nënshkruajnë **Marrëveshjen për Kyçje** në **Rrjetin e Transmetimit**.

6.2. Ndryshimi i Aplikacionit

6.2.1. Ndryshimi gjatë procesit të aplikimit

Nëse **Aplikuesi** mendon se **Aplikacioni për Kyçje** duhet të pësoj ndryshime derisa ai është në proces të shqyrtimit nga **KOSTT**, atëherë **Aplikuesi** do ta informojë **KOSTT**-in për ndryshimet që dëshiron t'i realizojë në mënyrë që t'ia mundësoj **KOSTT**-it të analizojë

	PROCEDURAT PËR KYÇJE NË RRJETIN E TRANSMETIMIT	PR-MP-001
	<i>ver. 1.2</i>	<i>faqe 15 nga 20</i>
<i>Departamenti: Zhvillimi i Rrjetit dhe Projektet</i>		<i>Sektori: Zhvillimi i Rrjetit</i>

ndryshimet dhe të bëjë përfshirjen e tyre në aplikacionin bazë. Ndërsa për ndryshimet që do të përfshihen në aplikacionin bazë dhe që kanë të bëjnë me ndryshim të **Studimit të Dizajnit, Studimin e Fizibilitetit**, gjegjësisht ndryshim të kapacitetit të pikës së kyçjes, **Aplikuesi** do të zbatojë procesin e ri-aplikimit.


KOSTT do ta informoj **Aplikuesin** nëse propozimet për ndryshime janë marrë parasysht dhe nëse vlerësohet se duhet të zbatohet procesi i ri-aplikimit, atëherë **KOSTT** do ta faturojë **Aplikuesin** me një faturë për ndryshimin e kërkuar për aplikim për kyçje dhe vlera e faturës do të përcaktohet sipas dispozitave të Metodologjisë së Taksave të Kyçjes në Rrjetin e Transmetimit (Shtojca 3).

Aplikuesi pas posedimit/marrjes së faturës për ndryshime ka në dispozicion 5 ditë pune për të vendosur nëse do të vazhdoj me ndryshim të **Aplikacionit për Kyçje** ose jo. Nëse **Aplikuesi** vendos që të vazhdohet pa ndryshime shtesë atëherë **KOSTT** do të vazhdoj procesin me aplikacionin bazë duke ju përmbajtur rregullave të definuara me rregullativën përkatëse.

6.2.2. Ndryshimi i Ofertës për Kyçje

Nëse një **Ofertë për Kyçje** lëshohet nga **KOSTT** për **Aplikuesin** dhe në ndërkohë **Aplikuesi** kërkon ndryshim të **Ofertës për Kyçje**, **KOSTT** do të analizojë ndryshimet e kërkuara nga **Aplikuesi** dhe do ti përfshijë ato në **Ofertën për Kyçje**, vetëm atëherë kur këto ndryshime nuk kanë të bëjnë me ndryshim të **Studimit të Dizajnit, Studimin e Fizibilitetit**, gjegjësisht ndryshim të kapacitetit të pikës së kyçjes në të cilat raste **Aplikuesi** do të zbatojë procesin e ri-aplikimit.

Në rastet kur zbatohet procesi i ri-aplikimit atëherë **KOSTT-i** do ta faturojë **Aplikuesin** me një faturë për ndryshimin e kërkuar për aplikim për kyçje, dhe vlera e faturës do të përcaktohet sipas dispozitave të Metodologjisë së Taksave të Kyçjes në Rrjetin e Transmetimit (Shtojca 3).

	PROCEDURAT PËR KYÇJE NË RRJETIN E TRANSMETIMIT	PR-MP-001
	<i>ver. 1.2</i>	<i>faqe 16 nga 20</i>
<i>Departamenti: Zhvillimi i Rrjetit dhe Projektet</i>		<i>Sektori: Zhvillimi i Rrjetit</i>

6.2.3. Zgjatja e Ofertës

Zgjatja e **Ofertës për Kyçje** mund të bëhet vetëm atëherë kur për një gjë të tillë pajtohen të dy palët **KOSTT** dhe **Aplikuesi**. Nëse **Ofertës për Kyçje** i ka skaduar afati atëherë **Aplikuesit** nuk mund ti garantohet një zgjatje e tillë.

6.2.4. Tërheqja e aplikacionit

Nëse një **Aplikacion për Kyçje** është në proces të shqyrtimit, me kërkesë të **Aplikuesit** mund të bëhet tërheqja e **Aplikacionit për Kyçje**. **Aplikuesi** do të detyrohet të paguaj taksë vetëm për ditët sa **KOSTT** ka qenë i kyçur në shqyrtimin e **Aplikacionit për Kyçje**.

6.2.5. Konfidencialiteti


Të gjitha diskutimet ndërmjet një **Aplikuesi** dhe **KOSTT**-it janë tërësisht konfidenciale. **KOSTT**-i nuk do të diskutoj çështjet me palët e treta përveç nëse merr leje me shkrim nga **Aplikuesi**.

KOSTT dhe **Aplikuesi** do të nënshkruajnë një marrëveshje mbi konfidencialitetin, brenda së cilës vendosen rregullat strikte mbi konfidencialitetin e bisedave dhe dokumenteve përkatëse.

6.3. Procesi i Taksës për Kyçje

6.3.1. Taksa për Aplikim

Taksa për Aplikim do të paguhet nga **Aplikuesi** sipas dispozitave të dalura nga Metodologjia e Taksave të Kyçjes në Rrjetin e Transmetimit.

	PROCEDURAT PËR KYÇJE NË RRJETIN E TRANSMETIMIT	PR-MP-001
	<i>ver. 1.2</i>	<i>faqe 17 nga 20</i>
<i>Departamenti: Zhvillimi i Rrjetit dhe Projektet</i>		<i>Sektori: Zhvillimi i Rrjetit</i>

6.3.2. Taksa e Kyçjes

Taksa e Kyçjes do të përmbajë komponentët sipas pikës 6.4 të dokumentit Metodologjia e Taksave të Kyçjes në Rrjetin e Transmetimit.

6.4. Sigurimi i të dhënave planifikuese

Aplikuesi duhet që brenda 30 ditëve pasi të nënshkruaj **Marrëveshjen për Kyçje në Rrjetin e Transmetimit** t'i dërgoj në **KOSTT** të gjitha të dhënat e detajuara siç kërkohet nga Kodi i Rrjetit konkretisht Kodi i Planifikimit.


6.5. Procesi i ndërtimit dhe i mbikëqyrjes

Përgjegjësitë në mes të **KOSTT** dhe **Aplikuesit** do të realizohen sipas pikës 4.9 ose 4.10 të dokumentit Metodologjia e Taksave të Kyçjes në Rrjetin e Transmetimit.

6.6. Komisionimi dhe vënia në punë e pikës kyçëse

Aplikuesi në prezencën e **KOSTT**-it është i detyruar të kryej të gjitha testimet dhe të përgatit çertifikatën e testimit, me të cilën dëshmon që pajisjet elektroenergjetike i përmbushin të gjitha standardet relevante që aktualisht janë në fuqi.

Aplikuesi duhet t'i konfirmoj **KOSTT**-it se të gjitha testimet janë kryer me sukses dhe që të gjitha pajisjet elektroenergjetike janë në përputhshmëri të plotë me standardet relevante. **KOSTT** merr përgjegjësinë për aprovimin e atyre testeve. Pasi që të gjitha testimet janë aprovuar nga **KOSTT** dhe pasi që janë zbatuar të gjitha dispozitat e parapara me **Kodin e Kyçjes**, atëherë **KOSTT** detyrohet që brenda 7 ditëve ta kyçë nën tension pikën kyçëse.

	PROCEDURAT PËR KYÇJE NË RRJETIN E TRANSMETIMIT	PR-MP-001
	<i>ver. 1.2</i>	<i>faqe 18 nga 20</i>
<i>Departamenti: Zhvillimi i Rrjetit dhe Projektet</i>		<i>Sektori: Zhvillimi i Rrjetit</i>

7. FORMULARËT/DOKUMENTET

7.1. Burimet

Nr.	Emri i dokumentit
1.	1. Rregulli për Kushtet e Përgjithshme të Furnizimit me Energji 2. Metodologjia e Taksave të Kyçjes në Rrjetin e Transmetimit 3. Kodi i Rrjetit

Të dhënat kontaktuese

Aplikuesit e interesuar për mundësitë e eksplorimit duhet të konsultoj ueb-faqen zyrtare të **KOSTT** (www.kostt.com)

Për informata shtesë personi kontaktues:

Departamenti për Zhvillim të Rrjetit dhe Projektet-KOSTT

Tel: +381 (0) 38 501 301 041

E-mail: shpresa.krasniqi@kostt.com


7.2 Dokumentet dhe formularët

Aplikacioni për kyçje

Aplikuesi i interesuar për tu kyçur në rrjetin e transmetimit duhet të kompletoj:

- a) Aplikacionin për kyçje,
- b) Pagesën për aplikacionin fillestar

Dokumentacioni i kompletuar mund të dërgohet:

	PROCEDURAT PËR KYÇJE NË RRJETIN E TRANSMETIMIT	PR-MP-001
	<i>ver. 1.2</i>	<i>faqe 19 nga 20</i>
<i>Departamenti: Zhvillimi i Rrjetit dhe Projektet</i>		<i>Sektori: Zhvillimi i Rrjetit</i>

a) Përmes postës në adresën


KOSTT

Rr. Isa Boletini nr. 39

10000 Prishtinë

Republika e Kosovës

b) Drejtpërdrejtë në Zyrën e Arkivës së **KOSTT**-it

	PROCEDURAT PËR KYÇJE NË RRJETIN E TRANSMETIMIT	PR-MP-001
	<i>ver. 1.2</i>	<i>faqe 20 nga 20</i>
<i>Departamenti: Zhvillimi i Rrjetit dhe Projektet</i>		<i>Sektori: Zhvillimi i Rrjetit</i>

8. ANEKSET

8.1. Lista e shpërndarjes

Nr.	Emri dhe mbiemri	Data	Nënshkrimi
1.			
2.			
3.			
4.			
5.			
6.			
7.			
8.			
9.			
10.			

8.2. Shënimet për versionet

Versioni	Data	Përshkrimi	Kohëruajtja
1.1	02.07.2013	Versioni Inicial	5 Vite
1.2			